

جریدہ علیہ

مشیتِ جلیلہ اسلامیکہ جریده رسمیه میر

غره رمضان المبارک سنہ ۱۳۳۸

پنجنی سنہ

اون بش کونده بر نشر اولنور

عدد ۶۰

فتواخانه عالییه وقوعبولان مراجعات رسمیه اوزرینه اعطا اولونان

اجوبه شرعیه

نجاتی امضاسیله ۲۲ صفر ۳۳۸ تاریخنده فتواخانهیه بالورود زید ولد صغیری عمروک امور وخصوصی رؤیت ایتک اوزره بکری وصی مختار نصب و تعیین ایتدکن و عمرو صغیر زیدک حال حیاتنده بالغ اولوب رشدی ده بلوغنه منضم اولدقدنصکره زید وفات ایتسه بکر حکمی بلوغ ایله منتهی اولان اشبو وصایته مستنداً عمرو بالغک اموالنده تصرفه مداخله ایدوب ایدمیه چکنه دائر واقع اولان سؤاله جوابدر .

§ ماله نظراً مزبور بکر عمروی بیوجه شرعی کندی اموالنده تصرفدن منعه قادر

۲۸ صفر ۳۳۸

اولماز .

*
* *

حافظ صادق امضاسیله ۲۲ صفر ۳۳۸ تاریخنده فتواخانهیه بالورود کوتاهییه ده هندی تزوج ایدن زید هندک رضاسیله استانبوله نقل مکان وایکی سنه بلافاصله اقامتدنصکره برای صله کوتاهییه عزیمت ایدوب تکرار استانبوله عودت ایتمه مکله کوتاهییه ده اقامت ایتک طولایسیله درسعادته بولنان زوجی زیددن نفقه ومسکن طلبنه حق اولوب اولدیغنه دائر واقع اولان سؤاله جوابدر .

§ مال استفتایه نظراً زید مزبوره زوجیه سی مزبوره ایله فقیر اولان چوجقلمینک

نفقه سی و کوتاهییه ده مسکن شرعی تدارک ایتسی واجب اولور ۷ ربیع الاول ۳۳۸

*
* *

ضیاءالدین امضاسیله ۴ صفر ۳۳۸ تاریخنده فتواخانهیه بالورود هند بالاجازتین متصرف اولدیغی خانسهی امیرالمؤمنین اولان زیدک امر واراده سیله زید مشارالیه بلاتعین بدل فراغ ایتدکدنصکره امیرالمؤمنین طرفندن مذکور خانه زینه احسان ایدلسه هندفراغ مذکورک بطلانندن طولای الیوم زینب یدنده بولنان مذکور خانیهی زینبدن استردادده قادر اولوب اولیه جغه دُر واقع اولان سؤاله جوابدر .

§ بالاسنده محرر صورت استفتایه نظراً حادثه ده هند منبورہ نك استرداد دعواسی
مسموعه اولماز . ۲۳ صفر ۳۳۸

* *

حسین حسنی امضاسیلہ ۲۲ تشرین ثانی ۳۳۵ تاریخندہ فتواخانہ بہ بالورود صبی مہراق
اولوب حجر اصلی ایلہ محجور اولان زیدک تسویہ امورینہ طرف حاکمدن عمرو وصی
نصب ایدیہ رک تصرفات قولیہ دن حجر ایدلمش اولسہ زیدک بعدالبلوغ اثبات رشد ایتہ دن
تصرفات قولیہ سی معتبر اولوب اولیہ جغنه دائر واقع اولان سؤالہ جوابدر .
§ زید منبور عقد ایجار واستجار اثناسندہ غیررشید اولوب وصی دخی عقد مذکور
یحیز اولمادیقی تقدیرده مذکور عقد شرعاً صحیح و نافذ اولماز . ۱۶ ربیع الاول ۳۳۸

* *

ناحیہ امضاسیلہ ۶ ربیع اول ۳۳۸ تاریخندہ فتواخانہ بہ بالورود غائب عن البلد نظمیه خانمک
مأخوذی اولان مبالغ معلومه مقابلندہ ایکی باب منزلده کی حصہ شایعہ سنی مورثمز مصطفی
احیابک قطعاً فراغه باحجت علی رضا افندی یی توکیل ایش ایکن تقریر معاملہ سنک
ایفاسندن اول مصطفی احیابکک وقوع وفاتیلہ الیوم وکیل مومی الیہ علی رضا افندیکن
ورثہ نامنہ تقریر اعطا ایدوب ایدہ میہ جکنہ دائر واقع اولان سؤالہ جوابدر .
§ موکله سنک مذکور منزلردن اول حصہ شایعہ لرخی وکیل مومی الیہ علی رضا
افندیکن متوفی مصطفی احیابکک ورثہ سنہ مأموری حضورندہ فراغ و تقریری معتبر اولور .
۶ ربیع الآخر ۳۳۸

* *

حسن امضاسیلہ ۸ ربیع الاول ۳۳۸ تاریخندہ فتواخانہ بہ بالورود زیدزوجہ مدخول بہاسی
ہندی خانہ سنہ براغوب تحصیل علوم عالیہ ایچون سفر بعید آخر دیارہ کیتدیکنندہ عسکر
اولوب بعدہ ترخیص اولندیغندہ مملکتہ عودت برلہ خانہ سنہ واصل اولمدین زوجہ سی
ہندک بر ولد تولید ایتدیکنی و ولد منبورک الیوم آتی یاشندہ اولدیغنی خبر النعجہ همان
حضور حاکمہ واروب لعان مدتی ظرفندہ بطریق اللعان نفی نسب ایدوب ایدہ میہ جکنہ
دائر واقع اولان سؤالہ جوابدر .

§ لعان ونفی نسبك شرائطی موجوده اولدینی صورتده زوج مزبور حادثه لعان ونفی نسب ایدم بیلیر .
۱۶ ربیع الاول ۱۳۳۸

*
**

آصف امضاسیله ۲۶ ربیع اولال ۳۳۸ تاریخده فتواخانهیه بالورود زید واقف وقف ایتیش اولدینی حیفتلکات وعقاراتک تولیتی وقفنامه سنده اولاد واولاد اولادندن اکبر واصلاح وارشدینه شرط ایتسه اکبر اولادندن اولان عمرو متولی فوت اولدقده اولاد واقفدن اکبر اولان بکر مفلوج اولوب کندینه مالک اولدینی کبی لسانی طولش اولدیندن اوقاف مذکوره یی ادارهدن عاجز اولسه بکرك سنا کوچکی اولان بشر ایسه اولاد واقفدن بکردن ماعداسنک اکبر واصلاح وارشدی اولسه تولیت مذکوره نک بکر ایله بکرك هانکیسنه توجیهی لازم کلوب کلمه چکنه دائر واقع اولان سؤاله جوابدر .
§ مآل استفایه نظراً تولیت مذکوره امور وقفه اعلم اولان بشره توجیه اولنمق اقتضای ایدر .
۱۵ ربیع الاخر ۳۳۸

*
**

ماری امضاسیله ۲۴ کانون اول ۳۳۵ تاریخده فتواخانهیه بالورود زید مسلم هند نصرانیه ایله بعدالازدواج کندی فراشندن حاصل و مزبوره هنددن متولد اولاد لر یی واقیز ایتدیروب نصرانی اوله رق تربیه لرینه موافقت و مزبوره هند ایله آیین نصرانی موجبجه تکرار عقد نکاح ایله زیده نه لازم کور .
§ مآله نظراً مرتد اولان زید مزبوره تجدید ایمان ونکاح لازم اولدینی کبی تعزیرمه وصغار مزبورونک مسلم عداولمنسی مقتضیات شرع عایدندر . ۱۸ ربیع الاخر ۳۳۸

قوانین ونظامات

بالعموم محاکم شرعیه نک مقام مشیخته اعاده ارتباطی حقنده قرارنامه

محمد وحیدالدین

ماده : ۱ مخلفات عمومی قساملغیله اموال ایتم و بیت المال مدیرتک کما کان عدلیه